



Na osnovu člana 51. stav 2., a u vezi sa članom 236. stav 1. alineja 9. Zakona o zdravstvenoj zaštiti ("Službene novine Federacije BiH", broj 46/10), federalni ministar zdravstva donosi

**ПРАВЛНИК
О ОБИМУ I VRSTI JAVNOZDRAVSTVENE
DJELATNOSTI KOJA NE MOŽE BITI PREDMETOM
PRIVATNE DJELATNOSTI**

I. OSNOVNE ODREDBE

Član 1.

Ovim pravilnikom se utvrđuje obim i vrsta javnozdravstvene djelatnosti koja ne može biti predmetom privatne djelatnosti.

Javnozdravstvenu djelatnost iz stava 1. ovoga člana čini djelatnost socijalne medicine, epidemiologije i higijene koje su od interesa za Federaciju Bosne i Hercegovine (u daljem tekstu: Federacija), odnosno kanton i općinu.

Javnozdravstvena djelatnost od interesa za Federaciju, odnosno kanton i općinu, obavlja se kao javna služba koju u skladu sa stručno-medicinskom doktrinom i uz upotrebu zdravstvene tehnologije obavljaju zdravstveni radnici i zdravstveni saradnici.

Član 2.

Organizacijom javnog zdravstva ostvaruje se poseban oblik zaštite zdravlja stanovništva u Federaciji.

Javnozdravstvena djelatnost čini društvenu brigu za zdravlje stanovništva na nivou Federacije, odnosno kantona i općine, u cilju očuvanja i unapređenja zdravlja stanovništva i usklađivanja djelovanja i razvoja sistema zdravstvene zaštite Federacije, odnosno kantona i općine.

Član 3.

Javnozdravstvena djelatnost od interesa za Federaciju, odnosno kanton i općinu finansira se iz Budžeta Federacije, odnosno budžeta kantona i općina, sredstava zdravstvenoga osiguranja kao i drugih izvora finansiranja.

II. DJELATNOST SOCIJALNE MEDICINE

Član 4.

Djelatnost socijalne medicine koja ne može biti predmet privatne djelatnosti čini:

- prikupljanje, kontrola, obrada, analiza i objava zdravstveno statističkih podataka na način propisan godišnjim Programom provođenja statističkih istraživanja od interesa za Federaciju,
- izrada indikatora za monitoring i evaluaciju izvršenja i ishoda u zdravstvenom sistemu,
- analiza i davanje stručnog mišljenja o opravdanosti osnivanja, proširenja, promjene ili prestanka rada zdravstvene ustanove u skladu sa odredbama propisa o zdravstvenoj zaštiti, a na osnovu stručnih principa i kriterija o organizaciji i ekonomici zdravstva,
- provođenje vanjske provjere kvaliteta rada u drugim zdravstvenim ustanovama i privatnoj praksi u skladu sa odredbama propisa o zdravstvenoj zaštiti,
- izrada godišnjeg prijedloga specijalizacija, odnosno subspecijalizacija u skladu sa odredbama propisa o zdravstvenoj zaštiti,
- izrada mišljenja o potrebi obavljanja dopunskog rada i specijalnosti za obavljanje dopunskog rada na području kantona u skladu sa odredbama propisa o zdravstvenoj zaštiti,
- priprema zdravstvenih indikatora i indikatora koji se odnose na zdravlje za potrebe međunarodnog izvještavanja, a prema preporukama i zahtjevima međunarodnih statistika,

- razvoj i upravljanje zdravstveno-informacijskim sistemom,
- praćenje, analiza i ocjena zdravstvenog stanja stanovništva i organizacije zdravstvene zaštite na području kantona i Federacije,
- analiza i ocjena zdravstvenog ponašanja, prisutnosti populacionih faktora rizika i faktora rizika iz životne okoline, kao i drugih faktora čiji su rizici po zdravlje prepoznati na području kantona i Federacije,
- provođenje zdravstveno-odgojnih aktivnosti u predškolskim i školskim ustanovama,
- evaluacija provođenja preventivno-promotivnih programa stanovništva, te drugih mjera zdravstvene zaštite,
- evaluacija programa zaštite zdravlja cjelokupnog stanovništva,
- evaluacija programa zaštite zdravlja rizičnih grupa stanovništva i stanovništva sa posebnim potrebama,
- vođenje javnozdravstvenih registara bolesti od socio-medicinskog interesa za Federaciju i kanton, i
- naučno-istraživačke studije zdravstvenih funkcija iz okvira prava i dužnosti Federacije u oblasti djelatnosti socijalne medicine.

Član 5.

Djelatnost socijalne medicine obavlja se, po pravilu, u zavodima za javno zdravstvo kantona i Federacije, kao i u javnim zdravstvenim ustanovama na svim nivoima zdravstvene zaštite.

Član 6.

Obim djelatnosti socijalne medicine utvrđuje se godišnjim planom i programom rada zavoda za javno zdravstvo kantona i Federacije, kao i zdravstvenih ustanova na svim nivoima zdravstvene zaštite koji obavljaju tu djelatnost.

III. DJELATNOST EPIDEMIOLOGIJE

Član 7.

Djelatnost epidemiologije koja ne može biti predmet privatne djelatnosti čini:

- epidemiološki nadzor i kontrola zaraznih bolesti, u skladu sa propisima o zaštiti stanovništva od zaraznih bolesti i prihvaćenim međunarodnim sporazumima i smjericama,
- epidemiološki nadzor i kontrola masovnih nezaraznih bolesti,
- preduzimanje higijensko-epidemioloških mjera za slučaj izbivanja, odnosno za vrijeme trajanja epidemije zaraznih bolesti,
- nadzor nad provedbom mjera za zaštitu stanovništva od zaraznih bolesti,
- zdravstveni nadzor nad kliconošama, zaposlenim i drugim osobama u skladu sa propisima o zaštiti stanovništva od zaraznih bolesti,
- zdravstveni nadzor nad putnicima koji putuju u područja "karantenskih" i ostalih zaraznih bolesti,
- provođenje mjera karantina, kućne izolacije i zdravstvenog nadzora u skladu sa propisima o zaštiti stanovništva od zaraznih bolesti,
- analiza i ocjena higijensko-epidemiološke situacije za područje kantona i Federacije,
- planiranje, organiziranje i evaluacija preventivnih i protivepidemijskih mjera u skladu sa propisima o zaštiti stanovništva od zaraznih bolesti,
- provođenje obuke zaposlenih za sticanje osnovnih znanja o higijeni životnih namirnica i predmeta opće upotrebe, kao i osobnoj higijeni osoba koja rade u proizvodnji i prometu životnih namirnica i predmeta opće upotrebe,



- provođenje obavezne protuepidemijske dezinfekcije, dezinfekcije i deratizacije,
- monitoring provođenja preventivnih i protivepidemijskih mjera dezinfekcije, dezinfekcije i deratizacije,
- provođenje, monitoring i evaluacija Programa obaveznih imunizacija u kantonu i Federaciji,
- provođenje vakcinisanja protiv žute groznice i bjesnila i antirabična zaštita,
- naučno-istraživačke studije zdravstvenih funkcija iz okvira prava i dužnosti Federacije u oblasti djelatnosti epidemiologije.

Član 8.

Djelatnost epidemiologije obavlja se, po pravilu, u zavodima za javno zdravstvo kantona i Federacije, kao i kroz organizaciju higijensko-epidemioloških službi u javnim zdravstvenim ustanovama na nivou primarne zdravstvene zaštite koje obavljaju tu djelatnost.

Član 9.

Obim djelatnosti epidemiologije utvrđuje se godišnjim planom i programom rada zavoda za javno zdravstvo kantona i Federacije, kao i zdravstvenih ustanova na nivou primarne zdravstvene zaštite koji obavljaju tu djelatnost.

IV. DJELATNOST HIGIJENE

Član 10.

Djelatnost higijene koja ne može biti predmet privatne djelatnosti čini:

- monitoring, analiza i ocjenjivanje programa za očuvanje i zaštitu zdravlja od zagađene životne sredine što je prouzrokovano štetnim i opasnim materijama u vazduhu, vodi i zemljištu, odlaganjem otpadnih materija, opasnih hemikalija, izvorima jonizirajućih i nejonizirajućih zračenja, bukom i vibracijama,
- sistematski monitoring i ispitivanje zdravstvene ispravnosti vode za piće, životnih namirnica i predmeta opće upotrebe,
- monitoring, analiza i ocjenjivanje zdravstvene ispravnosti vode koja služi za javnu opskrbu stanovništva kao voda za piće,
- monitoring, analiza i ocjenjivanje stanja vodoopskrbe za područje kantona i Federacije,
- analiza i izdavanje nalaza sa stručnim mišljenjem o zdravstvenoj ispravnosti vode za dijalizu i vode za rekreaciju,
- analiza i izdavanje nalaza sa stručnim mišljenjem o zdravstvenoj ispravnosti površinskih i otpadnih voda,
- monitoring, analiza i ocjenjivanje zdravstvene ispravnosti životnih namirnica,
- ocjenjivanje zdravstvene ispravnosti predmeta opće upotrebe,
- laboratorijska izolacija i identifikacija uzročnika zaraznih bolesti, odnosno epidemija zaraznih bolesti, kao i provjera laboratorijskog ispitivanja uzročnika zaraznih bolesti radi utvrđivanja dijagnoze u skladu sa propisima o zaštiti stanovništva od zaraznih bolesti.

Član 11.

Djelatnost higijene obavlja se, po pravilu, u zavodima za javno zdravstvo kantona i Federacije, kao i kroz organizaciju higijensko-epidemioloških službi u javnim zdravstvenim ustanovama na nivou primarne zdravstvene zaštite koje obavljaju tu djelatnost.

Član 12.

Obim djelatnosti higijene utvrđuje se godišnjim planom i programom rada zavoda za javno zdravstvo kantona i Federacije,

kao i zdravstvenih ustanova na nivou primarne zdravstvene zaštite koji obavljaju tu djelatnost.

V. PRELAZNE I ZAVRŠNE ODREDBE

Član 13.

Ovaj Pravilnik stupa na snagu osmoga dana od dana objavljivanja u "Službenim novinama Federacije BiH".

Broj 01-37-4816/12

13. augusta 2012. godine
Sarajevo

Ministar
Prof. dr. **Rusmir Mesihović**, s. r.

Na temelju članka 51. stavak 2., a u vezi sa člankom 236. stavak 1. alineja 9. Zakona o zdravstvenoj zaštiti ("Službene novine Federacije BiH", broj 46/10), federalni ministar zdravstva donosi

PRAVILNIK O OPSEGU I VRSTI JAVNOZDRAVSTVENE DJELATNOSTI KOJA NE MOŽE BITI PREDMETOM PRIVATNE DJELATNOSTI

I. TEMELJNE ODREDBE

Članak 1.

Ovim pravilnikom se utvrđuje opseg i vrsta javnozdravstvene djelatnosti koja ne može biti predmetom privatne djelatnosti.

Javnozdravstvenu djelatnost iz stavka 1. ovoga članka čini djelatnost socijalne medicine, epidemiologije i higijene koje su od interesa za Federaciju Bosne i Hercegovine (u daljem tekstu: Federacija), odnosno kanton i općinu.

Javnozdravstvena djelatnost od interesa za Federaciju, odnosno kanton i općinu, obavlja se kao javna služba koju u skladu sa stručno-medicinskom doktrinom i uz upotrebu zdravstvene tehnologije obavljaju zdravstveni radnici i zdravstveni suradnici.

Članak 2.

Organizacijom javnog zdravstva ostvaruje se poseban oblik zaštite zdravlja pučanstva u Federaciji.

Javnozdravstvena djelatnost čini društvenu brigu za zdravlje pučanstva na razini Federacije, odnosno kantona i općine, u cilju očuvanja i unaprjeđenja zdravlja pučanstva i usklađivanja djelovanja i razvoja sustava zdravstvene zaštite Federacije, odnosno kantona i općine.

Članak 3.

Javnozdravstvena djelatnost od interesa za Federaciju, odnosno kanton i općinu financira se iz Proračuna Federacije, odnosno proračuna kantona i općina, sredstava zdravstvenoga osiguranja kao i drugih izvora financiranja.

II. DJELATNOST SOCIJALNE MEDICINE

Članak 4.

Djelatnost socijalne medicine koja ne može biti predmet privatne djelatnosti čini:

- prikupljanje, kontrola, obrada, analiza i objava zdravstveno statističkih podataka na način propisan godišnjim Programom provođenja statističkih istraživanja od interesa za Federaciju,
- izrada indikatora za monitoring i evaluaciju izvršenja i ishoda u zdravstvenom sustavu,
- analiza i davanje stručnog mišljenja o opravdanosti osnivanja, proširenja, promjene ili prestanka rada zdravstvene ustanove sukladno odredbama propisa o zdravstvenoj zaštiti, a na temelju stručnih principa i kriterija o organizaciji i ekonomici zdravstva,
- provođenje vanjske provjere kvalitete rada u drugim zdravstvenim ustanovama i privatnoj praksi sukladno odredbama propisa o zdravstvenoj zaštiti,